

19 DECEMBRIE

RUGACIUNEA 4

SF. CUVIOS

ILIE MUROMET DE LA PECERSKA

Молитва

О преподобне и богоносне отче наш Илие, града Мурома и всея земли Российския украшение, храбрый во бранех, врагом прогонителю и обидимым заступниче! Собрании в храме твоем и пред иконою твоею покланяющися людие, молим тя, умоли милосерднаго Бога, да милостивно услышит нас и дарует стране нашей победу на сопротивныя; и паки, припадающе, молим тя: укрепи данною тебе благодатию во бранех воинство православное, разруши силы возстающих на ны врагов, да постыдятся и посрамятся, и дерзость их да сокрушится, и да уведят и уразумеют, яко Господь есть Защитник наш, по нам поборствуй. О скорый наш помощниче и заступниче, укрепи молитвами твоими слабую волю нашу, во еже обрести нам мужество духовное и сокрушение о гресех наших; молися о Церкви Русстей, граде твоем и обители Печерстей, в нейже нетленныя мощи твоя

святыя почивают, и о всем Отечестве нашем.
Ей, отче святой, не забуди нас, всегда
молящихся тебе о помощи, и сподоби нас,
грешных, получитьи от Бога неизреченная
благая, яже уготова любящим Его, яко да с
тобою и со всеми святыми прославим Отца, и
Сына, и Святаго Духа, ныне и присно и во веки
веков. Аминь.